

Jual sampah dapat duit

Oleh ZULQURNAIN OTHMAN
utusanakedah@utusan.com.my

■ ALOR SETAR 21 MAC

SYARIKAT pengendali pengu-
rusan sisa pepejal dan pember-
sihan awam, E-Idaman Sdn.
Bhd. (E-Idaman) memperkenalkan
platform baharu iaitu kad pintar
debit sebagai usaha memberikan
nilai ekonomi kepada sampah yang
dijana setiap hari di negeri ini.

Kad pintar debit yang diper-
kenalkan menerusi program *Re-
cycle for Life* (RFL) itu merupakan
program rintis dilaksanakan di Ma-
laysia yang mendapat kebenaran
daripada Bank Negara Malaysia
dan E-Idaman merupakan syarikat
konsesi yang menjadi pelopor pro-
gram tersebut.

Antara objektif pelaksanaan
program tersebut adalah memberi
kembali nilai kepada buangan sisa
pepejal boleh dikitar semula ke-
pada pengguna iaitu melalui kad
pintar debit yang boleh digunakan
sebagai medium pembayaran ke-
pada keperluan harian penggunaan
selain meningkat kesedaran pen-
guna dalam menurunkan kadar
buangan sampah setiap hari.

Ketua Pega-
wai Eksekutif
E-Idaman,
Mhd.
Saiful
Anuar
Zainal
berkata,
program



RFL adalah satu program
kitar semula yang
memberi ganjaran nilai
tunai menerusi kad pintar.
Kad pintar itu boleh
digunakan serta-merta di
premis perniagaan yang
menjadi rakan usahawan
dan potensi usahawan
RFL di negeri ini seperti
pasar raya Giant, The
Store, C Mart, Syarikat Air
Darul Aman (SADA) dan
Tenaga Nasional Bhd.”

MHD. SAIFUL ANUAR ZAINAL
Ketua Pegawai Eksekutif E-Idaman

RFL dianjurkan bagi meningkatkan
amalan kitar semula dalam kal-
angan penduduk di kawasan seli-
aan yang meliputi dua negeri iaitu
Kedah dan Perlis, di samping men-
gurangkan kebergantungan terha-
dap penggunaan tapak pelupusan
sampah.

“RFL adalah satu program kitar
semula yang memberi ganjaran
nilai tunai menerusi kad pintar.
Kad pintar itu boleh digunakan
serta-merta di premis perniagaan
yang menjadi rakan usahawan dan
potensi usahawan RFL di negeri ini
seperti pasar raya Giant, The Store,
C Mart, Syarikat Air Darul Aman
(SADA) dan Tenaga Nasional Bhd.”
katanya ketika ditemui di Wisma
Idaman, di sini baru-baru ini.

Menurutnya, program ter-
sebut yang dibangunkan dengan
mendapat kerjasama beberapa
agensi kerajaan dan swasta,
termasuk Kumpulan Cenviro
serta MyKasih Foundation
itu dapat menambah nilai
dalam memupuk sifat keu-
sahawanan terutamanya
dalam kalangan generasi
muda.

“Barangan ki-
tar semula yang
dihantar ke-
pada pihak E-
Idaman akan
diberi ganja-
ran nilai tunai
mengikut harga
pasaran semasa
termasuk kotak,
surat khabar lama,
kertas, plastik, alu-
minium, tin dan besi,”
katanya.

Mhd. Saiful Anuar berka-
ta, program tersebut dirangka
daripada pengalaman selama

lebih sembilan tahun dalam men-
guruskan sisa pembuangan di
utara tanah air dengan penekanan
kepada konsep 3R iaitu kurangkan,
guna semula dan kitar semula.

“Pada peringkat permulaan,
semua kakitangan E-Idaman diwajib-
kan membawa sekurang-kurangnya
enam kilogram bahan kitar
semula setiap minggu dan ia dilihat
seperti paksaan. Namun, selepas
dua tahun pelaksanaan, perkara ini
telah menjadi budaya bagi mereka
dan sekarang ada yang bawa lebih
tujuh kilogram bahan kitar semula
setiap minggu.

“Kita juga ingin mengurangkan
jumlah sampah di tapak pelupusan
sampah di mana janaan sampah di
Kedah adalah sebanyak 1,400 tan
sehari manakala peratusan kitar se-
mula hanya 12 peratus dan jumlah
itu sangat rendah,” katanya.

Dalam perkembangan sama,
Mhd. Saiful Anuar berkata, pro-
gram itu turut mensasarkan ker-
jasama daripada pelbagai pihak ter-
masuk komuniti, agensi kerajaan
dan swasta.

“Setakat ini, pihak E-Idaman
telah merangka kerjasama dengan
agensi seperti Polis Diraja Malaysia
(PDRM), Jabatan Bomba dan Pen-
yelamat Malaysia (JBPM), Jabatan
Imigresen Malaysia dan pihak
berkuasa tempatan (PBT) di negeri
ini untuk meluaskan lagi pelaksana-
an program ini demi kebaikan ber-
sama,” jelasnya.

Beliau berkata, di
peringkat ko-
muniti, kad-
kad tersebut
dipegang
oleh in-
d i -

vidu tertentu yang dilantik seperti
guru besar atau ketua kelab kitar se-
mula di sekolah untuk menjalankan
jual beli.

“Namun, kita sasarkan pa-
da masa akan datang, setiap
masyarakat berpeluang untuk men-
jual sendiri barangan kitar semula
di lori kutipan E-Idaman atau mem-
bawanya ke pusat pengumpulan
yang disediakan.

“Nilai jualan akan dimasukkan,
di dalam kad masing-masing. Pe-
luang ini turut melibatkan ahli-ahli
jawatan kuasa penduduk, masjid
dan surau yang bertanggungjawab
terhadap sangkar-sangkar kitar se-
mula yang kita sediakan,” katanya.

Tambah beliau, harga barangan
kitar semula yang dijual adalah
mengikut harga pasaran dan ber-
beza mengikut jenis iaitu sama ada
plastik, kertas atau kaca.

Dalam perkembangan berkaitan,
Mhd. Saiful Anuar berkata, dalam
masa terdekat, pihaknya akan
mandatangani perjanjian usaha
sama dengan semua PBT di seluruh
negeri sebagai usaha bagi menin-
gkatkan lagi kesedaran terhadap
kempen kitar semula yang dijalan-
kan.



MHD. SAIFUL ANUAR ZAINAL turut membawa
barang kitar semula ke
pejabat untuk ditebus guna.



KAKITANGAN E-Idaman
membawa bahan kitar
semula untuk dihantar ke
pusat pengumpulan.

Headline	Jual sampah dapat duit		
MediaTitle	Utusan Malaysia (Utara)		
Date	22 Mar 2018	Color	Full Color
Section	News	Circulation	8,443
Page No	26	Readership	25,329
Language	Malay	ArticleSize	1476 cm ²
Journalist	N/A	AdValue	RM 13,915
Frequency	Daily	PR Value	RM 41,745

